

Quae prohibentur in hoc praecepto?

Christus Matthaei quinto quatuor gradus recenset pugnantes cum hoc praecepto: Primus gradus est violentia, secundus est ira iniusta, tertius est gestus ostendens malevolentiam, „raka“, quartus est contemptus proximi, „fatuus“.⁴⁸

Est ne omnis ira peccatum?

5

Item: Est ne omnis vindicta prohibita?

[30:] Quintum praeceptum prohibet iracundiam iniustam, quae temere irascitur proximo et damnat cupiditatem priuatae vindictae, non autem prohibet iram vocationis, quae irascitur vitijs, nec abolet officium magistratus, qui exercet vindictam in puniendis delictis congruentem cum mandato Dei et necessariam ad conseruationem societatis humanae.

10

Dic sextum^k praeceptum.¹

Non moechaberis.⁴⁹

Quae sunt virtutes sexti praecepti?

Duae virtutes sunt sexti praecepti: castitas et temperantia. Castitas non tantum in coniugio, sed etiam in vita coelibite vitat omnes libidines seu contaminationes corporum prohibitas. Temperantia seruat mediocritatem in cibo et potu conuenientem naturae et non impediens exercitia inuocationis et aliarum virtutum.

^k VI.: D, E, G.

¹ Holzschnitt: David und Batscha (II Sam 11): B.

⁴⁸ Vgl. Mt 5,21f.

⁴⁹ Vgl. Ex 20,14; Dtn 5,18.